

- I n sinem namen bi gestan.  
 W an ich an in gelvbet han.  
 1<sup>c</sup> **N** v wart dem kvnige bereit. R. 225,9.  
 E in gesidel hoch vñ breit.  
 D ar vf gesaz der fvrste dô.  
 S in mvt het sich erhaben hô.  
 S in herze wände. des niht ergie.  
 S inen svn er bi der hant gevie.  
 Z v im er in sitzen bat.  
 D o ert in da mit Josafat.  
 D az er ze sinen fvzzen saz.  
 D a mit lie der kvnic daz.  
 V ñ gedaht er fvrhtet mich.  
 E r lât noch hivte wisen sich.
- 1<sup>d</sup> J osafat verirret sin. R. 226,1.  
 G eschiht oveh daz so ist min.  
 F rivntschafft iemer nahe bi.  
 V ñ wirt iv des siges zwi.  
 N ach lob vf gebvnden.  
 W ert aber ir vberwunden.  
 V on in so habt <sup>ir</sup> iwer leben.  
 D em tode in den munt gegeben.  
 V ñ mvz mit lasterlicher scham.  
 G an immer vnder iwer nam.  
 D ar zv so mvzzen ivre kint. R. 226,15.  
 V ñ alle die iv mage sint.
- 2<sup>a</sup> D en voglin vñ dem wilde.  
 D az da bi nemen bilde.  
 D ie noch din geverten sint.  
 D az si decheines fvrsten kint.  
 I ht valesches wellen lêren.  
 V ñ von ir gotren kêren.  
**D** o Nachor gehort also.  
 D ie rede sin do wart vnfro.  
 S in hochgemvte sazestet.  
 E r sach wol daz er sich het.  
 S elbe in daz netze gevalt.  
 D ar in daz er wande daz der alt.